

cutor, qual zonse in campo, a Crema; ma per non esser in amicitia col capitano di le fantarie ch'è lì, farà intrar sier Nicolò Michiel proveditor ai Urzi, qual tien zà sia intrato; e altre particolarità. *Item*, è intrati in Verona li fanti spagnoli etc.

Di Crema, fo letere di 12, dil canzelier dil provedador Pexaro. Come il suo patron stava in *extremis*, etc.

Da poi disnar, fo Gran Conseio. Fo posto, per li consieri, la parte presa in Pregadi, che 'l patron sarà electo a l'arsenal, e quelli *de caetero* si elezeranno, non possino refudar poi che sarano intradi, solo pena di ducati 500 etc. Ave 950, 158, 8, e fu presa. Et fo electo sier Hironimo Querini qu. sier Piero da Santa Marina, qual vene per seurtinio, tolti numero 32. Lui ave 116. Sier Michiel Morexini qu. sier Piero da San Cassan, ha titolo di Pregadi, et sier Troian Bolani fo Santo, fo fato dil Conseio di X, non passò; et altre voxe. Et avochato grando, niun non passò; che fu gran fato.

Di Crema, vene letere dil canzelier dil qu. sier Nicolò da Pexaro proveditor, di 13, hore ... Avisa la morte del suo patron.

Da Milan, fo letere di Vincenzo Guidoto secretario nostro, è apresso il vicerè, de ... Come le zente yspane si aviava verso il crenonese per voler expugnar quella rocha di Cremona, et esser venuto al Duchia uno breve dil Papa che si alegrava de l'intrata, et dovesse meter in hordine 500 homeni d'arme et dar danari a' spagnoli, acciò si sia uniti tutti in favor di la soa liga contra venetiani; et altre particolarità, sicome di soto dirò più copioso.

In questo Gran Conseio, fo leto la parte, eri presa nel Excelentissimo Conseio di X con la zonta, zerecha armar 4 galie, et li modi, acciò quelli volesseno far pensier di darsi in nota in termine di zorni 8 si possi dar; di quelli sarano balotadi et 4 *pro nunc* remagnerano; li modi sarano qui avanti scriti.

In questa matina in Colegio fono electi 5 judexi sora la differentia di Andre, justa la parte presa in Pregadi, con autorità aldino le parte, et in prima possino meter che parte i voleno uniti et separati in questa materia etc. Rimaseno sier Piero Pasqualigo dotor et cavalier, sier Francesco Donado el cavalier, sier Ferigo di Renier et sier Alvise Gradenigo et sier Francesco da Pexaro qu. Hironimo. E in loco dil Gradenigo qual non introe, fo electo a di 3 Fevver, pur in Colegio, sier Andrea Mozenigo dotor, di sier Leonardo, fo dil Serenissimo.

Exemplum.

276

Maximilianus, Divina favente Clementia electus Romanorum Imperator, semper Augustus, etc.

Magnifice dilecte.

Constat ex capitulis Induciarum, quas proxime peragerimus cum Venetis, videlicet nos noluisse acceptare inducias ipsas, nisi Dux et Senatus Venetiarum obligassent se nobis dare et mittere, non solum pecunias, verum etiam nonnullos falcones sacharos qui capiuntur in Cipro et Candia insulis. Et cum dieti Dux et Senatus modo pecunias ejusmodi ad nos dederint, falcones verum non, hortamur te velis de mittendis nobis ejusmodi falconibus te exacte informare apud eosdem Ducem et Senatum Venetiarum, et instare apud eos, ut promissis demum maneat, et quam primum predictos falcones sacharos ad nos transmittant per quempiam mercatorum Alemanorum, non obstantibus bellicis eventibus. Nam falcones ipsi procuraturi sunt pacem fortasse inter nos; cum soni nolarum in pedibus falconum dulciores erunt auditu quam sonitus bombardarum in manibus magistratuum eorum.

Datae in oppido nostro imperiali Landau, die XV Decembris anno Domini MDXII, Regni nostri Romani XXVII.

A tergo: Magnifico nobis dilecto Johanni Baptistae Spinello comiti de Chariati, Serenissimi Aragonum Regi oratori.

A di 17 fo Santo Antonio. Vene in Colegio el 277¹⁾ conte di Chariati orator yspano, et apresentò e fe' lezer una letera li scrive el re di Romani, data a Landau a di 15 Dizembrio. Come el debbi comparer a la Signoria, e dimandarli da parte sua: che essendo solito venir di Candia falconi sacri, el desidera averne, e però la Signoria ge ne mandi, el qual oxelo indicha la pace, e benchè falconi sia *etiam* artellarie, le qual bisogna balote, in loco di le balote se mandi con li sonagii, perchè mior questi son de quelli di le artellarie; con altre parole rediculose, siehè l'orator, el Principe, e tutto il Colegio comenzono a rider assai, e fo ordiuato farne trovar et mandarli a la Soa Majestà.

Di Udene, fo letere di 14, di sier Andrea

1) La carta 276^a è bianca.